

Dámhachtain Liam O'Flynn 2022

Treoirlínte d'iaratasóirí

Spríodhata: 5.30 p.m. (am na hÉireann), Déardaoin, 20 Eanáir 2022

CLÁR

Pointí tábhachtacha nach mór cuimhneamh orthu	2
Cabhair a fháil maidir le d'iaratas	3
1. Maidir le Dámhachtain Liam O'Flynn	4
1.1 Aidhm agus cuspóirí na dámhachtana	4
1.2 Tosaíochtaí na dámhachtana	5
1.3 Cé atá i dteideal iaratas a dhéanamh?	5
1.4 Cé hé an t-iaratasóir?	6
1.5 Cé nach bhfuil i dteideal iaratas a dhéanamh?	6
1.6 Cad is féidir leat iaratas a dhéanamh air?	6
1.7 Cad nach féidir leat iaratas a dhéanamh air?	7
1.8 Cén t-ábhar tacaíochta nach mór duit a chur isteach le d'iaratas?	8
1.9 Incháilitheacht	8
2. An dóigh le d'iaratas a dhéanamh	10
2.1 Cláraigh le Seirbhísí ar Líne na Comhairle Ealaíon	10
2.2 Líon isteach an fhoirm iarratais	11
2.3 Ullmhaigh aon ábhar tacaíochta atá riachtanach don iaratas	11
2.4 D'iaratas a dhéanamh ar líne	13
3. Próiseáil agus measúnú na n-iaratas	14
3.1 Forbhreathnú	14
3.2 An próiseas measúnaithe	14
3.3 Critéir chun iarratais a mheasúnú	14
3.4 Painéal	15
3.5 Toradh na n-iaratas	16

Pointí tábhachtacha nach mór cuimhneamh orthu

- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le cúig lá oibre a thógáil sular féidir úsáideoir nua a chlárú ar OLS, mar sin tóg go leor ama duit féin é seo a dhéanamh sula mbeidh an spriodhata buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriodhata fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an líon mór iarrthóirí a úsáideann an córas ar líne lá an spriodhata, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 pm lá an spriodhata**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnaimh a fháil.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.
-

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin: <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar **01 618 0200/01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina bráid agat ar ríomhphost nó ar an bhfón. <http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>

NÓTA DO DHAOINE FAOI MHÍCHUMAS

Déanann an Chomhairle Ealaíon gach iarracht freastal réasúnta a dhéanamh ar dhaoine atá faoi mhíchumas ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le Adrienne Martin, Oifigeach Rochtana na Comhairle Ealaíon, ar an nguthán (01-618 0219) nó trí ríomhphost (adrienne.martin@artscouncil.ie) **trí seachtaine ar a laghad** roimh an spriocdháta.

NÓTA FAOIN TREOIR SLÁINTE POIBLÍ MAIDIR LE COVID-19

Agus do thogra á réiteach, ba cheart duit é a bhunú ar an gcomhairle agus treoir sláinte poiblí is fearr atá ar fáil ag an am a bhfuil d'iarratas á dhéanamh agat.

Ba cheart duit a chinntiú go bhfuil an méid atá á mholadh agat indéanta nó inoiriúnaithe má bhíonn tionchar ag scaradh sóisialta agus/nó bearta sláinte poiblí eile ar do thréimhse sparánachta ar fad nó ar chuid den tréimhse lena mbaineann an togra seo.

Má éiríonn le d'iarratas agus gur gá duit cuid de do thogra nó é ar fad a athrú de bharr athrú sa chomhairle sláinte poiblí, ba cheart duit dul i dteagmháil le d'fhoireann ealaíon roimh ré chun é sin a phlé.

1. Maidir le Dámhachtain Liam O'Flynn

1.1 Aidhm agus cuspóirí na dámhachtana

Is comhthionscnamh idir an Chomhairle Ealaíon agus an Ceoláras Náisiúnta é Dámhachtain Liam O'Flynn mar chuid den chomhoibriú atá ar bun acu chun na healaíona traidisiúnta a chur chun cinn, tuiscint ar na healaíona traidisiúnta a chothú agus léiriú a thabhairt ar a thaitneamhaí atá na healaíona traidisiúnta; tá an fhéile cheoil thraidisiúnta *Tradition Now* mar chuid den obair seo freisin.

Ba pháobaire virtuoso a raibh cáil idirnáisiúnta air é Liam O'Flynn a rinne léiriú ar an bpáobaireacht uilleann agus ar an gceol Éireannach don domhan mór. Bhí neart caidrimh thábhachtacha ealaíne aige le linn a shaoil, lena n-áirítear caidreamh le páobairí iontacha ar nós Willie Clancy, Shéamus Ennis agus Leo Rowsome, agus bhí ról lárnach aige maidir leis an gceol traidisiúnta a chosaint agus a chur chun cinn. Mar bhall de Planxty, a chomhbhunaigh sé i 1972, agus freisin mar cheoltóir aonair, bhí tionchar ollmhór aige ar shaol ealaíne na hÉireann.

I gcuimhne ar Liam O'Flynn, déantar ceiliúradh le Dámhachtain Liam O'Flynn ar ról an ealaíontóra chruthaithigh thraidisiúnta aonair maidir le saothar nua a chruthú, comhshaothar agus nuálaíocht a chur chun cinn agus na healaíona traidisiúnta a sheachadadh ionas go mbeidh an chéad ghlúin eile in ann taitneamh a bhaint astu agus iad a chleachtadh.

Is é aidhm Dhámhachtain Liam O'Flynn tréimhse machnaimh, inspreagtha agus cruthaithe a chur ar fáil d'ealaíontóir traidisiúnta ar mhaithe leis an ealaín agus é/í ina (h)ealaíontóir cónaitheach sa Cheoláras Náisiúnta agus chun tuiscint agus eolas ar na healaíona traidisiúnta agus an taitneamh a bhaintear as na healaíona traidisiúnta a mhéadú i dtimpeallacht shaibhir an Cheolárais Náisiúnta.

Is iad cuspóirí na dámhachtana:

- (i) Timpeallacht atá tacúil, spreagúil agus dúshlánach go healaíonta a chur ar fáil don ealaíontóir traidisiúnta roghnaithe.
- (ii) Spás oibre fisiciúil a chur ar fáil dá t(h)áirgeadh ealaíonta machnamhach agus cruthaitheach.
- (iii) Tacú le comhoibriú ealaíonta.
- (iv) Caidreamh oibre a éascú le Foireann Foghlama agus Rannpháirtíochta an Cheolárais Náisiúnta.
- (v) Gabháil le luchta féachana agus éisteachta na n-ealaíon traidisiúnta.

Roinntear Dámhachtain Liam O'Flynn ina dhá chuid:

- €10,000 le caitheamh ar tháillí agus ar chostais mhaireachtála le linn na tréimhse. Cuirfidh an t-airgead sin ar chumas an ealaíontóra taighde atá bunaithe ar chleachtas agus obair chruthaitheach a dhéanamh sa Cheoláras Náisiúnta
- €5,000 le caitheamh ar tháillí agus costais eile a bhainfidh leis an gcomhoibriú le healaíontóirí eile agus le saothar críochnaithe nó saothar idir lámha a chur i láthair – e.g. mar chuid den chlár *Tradition Now* 2022.
- Spás oibre sa Cheoláras Náisiúnta
- Tacaíocht ghairmiúil agus comhairle ar ghairm beatha.

Tabhair faoi deara nach gclúdaítear lóistín faoin dámhachtain seo. Beifear solúbtha maidir le sceideal cónaitheachta sa Cheoláras Náisiúnta a eagrú ionas go mbeidh sé a oiriúnaí agus is féidir don fhaighteoir.

Seans go mbeidh deis ag an bhfaighteoir a s(h)aothar a chur i láthair mar chuid de chlár *Tradition Now 2022*, ar comhpháirtíocht é idir an Chomhairle Ealaíon agus an Ceoláras Náisiúnta a bhíonn ar siúl i mí Dheireadh Fómhair.

Beidh fáil iomlán ag an bhfaighteoir ar Bhailiúchán Liam O'Flynn, a bronnadh ar Thaisce Cheol Dúchais Éireann. Is éard atá sa bhailiúchán seo taifid phríobháideacha, taifid ar chleachtaí, foilseacháin, saothair, nótaí, comhfhreagras, filíocht agus earraí inbhailithe éagsúla.

Tá straitéis deich mbliana na Comhairle Ealaíon (2016–25), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* (<http://www.artscouncil.ie/ga/straiteis-na-comhairle-ealaion/>), agus *Straitéis 2015-2020* an Cheolárais Náisiúnta (<https://www.nch.ie/content/Images/NCH-2018/Our%20Story/PDFs/NCH-Strategy-2015-2020-Eng-Gae.pdf>) mar bhonn eolais faoi Dhámhachtain Liam O'Flynn.

1.2 Tosaíochtaí na dámhachtana

Sa mhullach ar chuspóirí ginearálta na dámhachtana (mar a leagtar amach i gcuid 1.1), tabharfar tús áite do thograí ó ealaíontóirí traidisiúnta a léiríonn na nithe seo a leanas ina dtograí:

- Fís ealaíonta láidir agus barúil shoiléir ar an saothar ealaíne ar mhaith leis/léi a fhorbairt agus a chur i láthair le linn na tréimhse sa Cheoláras Náisiúnta
- Baint idir an cuntas teiste ealaíne atá aige/aici agus an obair a dtabharfaidh sé/sí faoi
- Cur síos ar an gcaoi a mbainfidh sé/sí tairbhe ealaíonta as an tacaíocht seo agus ar na torthaí ealaíonta a bhfuiltear ag súil leo
- Conas a rachaidh an tréimhse sa Cheoláras Náisiúnta chun tairbhe na n-ealaíon traidisiúnta.

1.3 Cé atá i dteideal iarratas a dhéanamh?

Glactar le hiarratais ar Dhámhachtain Liam O'Flynn ó ealaíontóirí a oibríonn in aon cheann de na seánraí seo a leanas: ceol uirlise; amhránaíocht; damhsa; na healaíona béil ar nós na scéalaíochta, agallamh beirte nó lúibíní. Cuirtear fáilte roimh iarratais ar Dhámhachtain Liam O'Flynn ó ealaíontóirí sinsearacha, ó ealaíontóirí seanbhunaithe agus iad i lár a ngairme, agus ó ealaíontóirí óga agus atá ag teacht chun cinn.

Le bheith i dteideal iarratas a dhéanamh, ní mór d'iarratasóirí na riachtanais seo a leanas a shásamh:

- Gnóthachtálacha ealaíonta le déanaí a léiriú
- A bheith ina gcónaitheoirí de chuid Phoblacht na hÉireann. Bíonn cásanna eisceachtúla ann nuair a ghlacann an Chomhairle Ealaíon le hiarratais incháilithe ó dhaoine nach cónaitheoirí de chuid Phoblacht na hÉireann iad. Sula n-admhódh an Chomhairle Ealaíon go bhfuil iarratais den sórt sin incháilithe, áfach, bheadh ar na hiarratasóirí a shonrú go soiléir san iarratas conas a chuirfeadh torthaí togra den sórt sin leis na healaíona i bPoblacht na hÉireann.
- A bheith ina n-ealaíontóirí gairmiúla atá ag cleachtadh a ngairme – cé nach gá go dtuilleann tú ioncam go leanúnach nó go heisiach ó do chleachtas ealaíonta, ní mór tú

féin a aithint agus a bheith aitheanta ag do phiaraí mar ealaíontóir gairmiúil atá ag cleachtadh do ghairme.

- De réir Dhualgas na hEarnála Poiblí um Chomhionannas agus Cearta an Duine, tá an Chomhairle Ealaíon tiomanta do chinntiú go dtugtar faoi bhearta beartais dhearfaigh chun comhionannas deiseanna a chur chun cinn do gach duine a chónaíonn in Éirinn, beag beann ar inscne, gnéaschlaonadh, stádas sibhialta nó teaghlaigh, creideamh, aois, míchumas, cine nó duine den Lucht Taistil. Ina theannta sin, tarraingíonn an Chomhairle Ealaíon aird ar an gcúlra socheacnamaíoch mar fhoras eile ina gcaithfear comhionannais deiseanna a chinntiú.

Dá bhrí sin, cuireann an Chomhairle Ealaíon fáilte roimh iarratais ó gach cuid de shochaí na hÉireann, na tréithe thuasluaite ina measc ach nach bhfuil teoranta dóibh.

1.4 Cé hé an t-iarratasóir?

Is é an t-iarratasóir an duine a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Níor mhór go mbeadh na cáipéisí go léir a chuirfear ar fáil in ainm an iarratasóra, e.g. má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, níor mhór go mbeadh gach cáipéis, lena n-áirítear sonraí bainc agus sonraí cánach, san ainm sin. Ní ghlacfar le leaganacha éagsúla amhail Mary Barry nó Máire Barry.

1.5 Cé nach bhfuil i dteideal iarratas a dhéanamh?

Áirítear na daoine seo a leanas leo siúd nach bhfuil i dteideal iarratas a dhéanamh:

- Daoine atá i mbun oideachas fochéime nó iarchéime faoi láthair nó a bheidh ina bhun le linn na tréimhse ina bhfuil an dámhachtain seo ar fáil
- Comhaltaí Aosdána a fhaigheann cnuas
- Ealaíontóirí nach féidir leo cleachtas ealaíonta gairmiúil thar trí bliana ar a laghad a léiriú.

1.6 Cad is féidir leat iarratas a dhéanamh air?

Is é seo a leanas an méid a dhámhfar ar an iarratasóir rathúil:

€15,000

Leagtar béim sa dámhachtain ar an méid seo a leanas:

- Ealaíontóir atá ag 'ceannach ama' chun machnamh ealaíonta, iniúchadh agus taighde a dhéanamh agus saothair a chruthú taobh istigh den Cheoláras Náisiúnta, chun cuidiú le forbairt a c(h)leachtas chruthaithigh agus le caidrimh ealaíonta a iniúchadh agus a fhorbairt go háirithe. Táthar ag súil go n-úsáidfear €10,000 chun tacú leis an ealaíontóir é sin a dhéanamh, agus soláthraítear do tháillí agus do chostais mhaireachtála dá bhrí sin.
- Tacú le comhoibriú ealaíonta. Táthar ag súil go gcaithfear €5,000 den dámhachtain ar tháillí d'ealaíontóirí eile ar mhaith le faighteoir Dhámhachtain Liam O'Flynn oibriú leo chun saothar nua a fhorbairt nó chun obair idir lámha a chur i láthair.

Chomh maith leis na gnáth-theorainneacha a luaitear thuas, déanfaidh an Chomhairle Ealaíon breithniú ar chostais a bhaineann go sainiúil le cruthú saothair ag ealaíontóirí faoi míchumas. Más mian leat cur isteach ar mhaoiniú breise ar an mbonn sin, ba cheart duit faisnéis a chur ar fáil le d'iarratas ag sonrú na gcostas breise sin.

Cén seans atá agat tacaíocht a fháil?

Táthar ag súil go mbeidh Dámhachtain Liam O'Flynn 2022 thar a bheith iomaíoch. Ní bhronnfar ach dámhachtain amháin in 2022.

Cé mhéad maoinithe a gcaithfidh tú iarratas a dhéanamh air?

Bronnfar €15,000, agus na tacaíochtaí chomhchineáil a shonraítear thuas, faoi Dhámhachtain Liam O'Flynn.

Caithfidh an t-iarratas ar Dhámhachtain Liam O'Flynn a bheith bainteach leis an **gcaiteachas** a thabhoíd tú le linn do théarma dámhachtana. Iarrtar ort do chaiteachas a shonrú i gcuid 3.1 den fhoirm iarratais. Féadfar é seo a úsáid chun íoc as costais mhaireachtála, táillí agus as costais eile a bhainfidh leis an gcomhoibriú le healaíontóirí eile agus saothar nó saothar idir lámha a chur i láthair (féach ar chuid 1.1 **Aidhm agus cuspóirí na dámhachtana**).

Iarrtar ort freisin aon **ioncam** a shíleann tú a gheofar de bharr do thogra a chur in iúl san fhoirm iarratais. Tá ioncam ar bith a bhaineann go sonrath leis na gníomhaíochtaí a mhínítear i do thogra (seachas Dámhachtain Liam O'Flynn atá á iarraidh agat) san áireamh sa chineál ioncaim seo. Ná cuir aon ioncam nach mbaineann leis na gníomhaíochtaí seo san áireamh. **Mura mbíonn aon ioncam gaolmhar agat, fág cuid 3.2 den fhoirm iarratais bán.**

Iarrtar ort an caiteachas agus an t-ioncam a shonrú ag dhá chéim le linn d'iarratais:

- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais (figiúirí miondealaithe agus figiúirí iomlána).

Cinntigh go bhfuil na figiúirí iomlána mar an gcéanna sa dá chás, agus cinntigh gurb ionann an méid atá á iarraidh agus €15,000.

1.7 Cad nach féidir leat iarratas a dhéanamh air?

I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Gníomhaíochtaí nó costais nach n-oireann do chuspóir na dámhachtana
- Gníomhaíochtaí a d'oirfeadh níos fearr do dhámhachtain eile arna maoiniú ag an gComhairle Ealaíon nó arna feidhmiú ag gníomhaireachtaí stáit eile, amhail Cultúr Éireann
- Gníomhaíochtaí a bhí ar siúl cheana féin nó a gcuirfear tús leo sula ndéanfar cinneadh faoi d'iarratas
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Gníomhaíochtaí a ndearna an Chomhairle Ealaíon measúnú orthu cheana féin. Déanfar eisceacht má mhol an Chomhairle duit go sainiúil d'iarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.
- Móriarratais chaipitiúla chun trealamh a cheannach agus feabhas a chur ar spás oibre
- Gníomhaíochtaí acadúla.

1.8 Cén t-ábhar tacaíochta nach mór duit a chur isteach le d'iarratas?

Mar aon le d'iarratas, agus ar leithligh uaithi, le bheith incháilithe le haghaidh Dhámhachtain Liam O'Flynn, **caithfidh** tú an t-ábhar tacaíochta seo a leanas a chur isteach ar líne:

- CV mionsonraithe cothrom le dáta (trí leathanach ar a mhéad)
- Ráiteas ar leith ar do chleachtas ealaíonta (leathanach amháin ar a mhéad) Ba chóir do chuid réimsí spéise, tionchair, ardmhianta agus na rudaí a thugann inspreatadh duit mar ealaíontóir a leagan amach go hachomair sa ráiteas seo, chomh maith le do ról, de réir mar a fheiceann tú féin é, taobh istigh den traidisiún nó a bhaineann leis an traidisiún
- Litreacha tacaíochta nó molta nuair is cuí, ar an n-áireofaí fianaise ar thacaíocht airgeadais nó ar thacaíocht chomhchineáil a leagtar amach i do thogra
- Samplaí de shaothar ina léirítear do chumas ealaíonta – e.g. íomhánna, míreanna clos-amhairc YouTube, taifid fuaime, grianghraif nó íomhánna gluaiste, samplaí scríbhneoireachta. Ba chóir go mbeadh gach grianghraf agus íomhá gluaiste lipéadaithe go soiléir agus go mbeadh liosta íomhánna leo, lena n-áirítear cur síos gairid ar a bhfuil sa saothar.

Má tá obair le hainmhithe i gceist le do thogra, ní mór duit cóip den cháipéis *Beartas agus Nósanna Imeachta um Chosaint Ainmhithe* de do chuid a chur ar fáil.

Measfar nach bhfuil d'iarratas incháilithe mura gcuirfidh tú an t-ábhar tacaíochta riachtanach isteach.

An fhormáid le haghaidh ábhar tacaíochta

Ní mór gach ábhar tacaíochta do Dhámhachtain Liam O'Flynn a chur isteach ar líne. Ní ghlacfar le hábhar tacaíochta i gcruachóip.

- Ní mór ábhar íomhá gluaiste agus fuaime a chur isteach mar naisc YouTube **i gcáipéis Microsoft Word nó OpenOffice Write** ar leith – féach ar **Naisc YouTube a chur isteach** i gcuid 2.3. Tabhair faoi deara gur chóir saothar ealaíne idirghníomhach gréasánbhunaithe a thairfeadh ar scáileán agus a uaslódáil ar YouTube.
- Ní mór gach ábhar ealaíonta agus ábhar tacaíochta eile (e.g. buiséad, CVanna, etc.) a uaslódáil mar **cháipéisí ar leith, astu féin.**
- Cuir liostaí íomhánna agus faisnéis chomhthéacsúil san áireamh le haghaidh an ábhair tacaíochta uile i gcáipéis Microsoft Word nó cáipéis OpenOffice Writer ar leith atá lipéadaithe go soiléir. Maidir le hábhar ealaíonta, ba chóir sonraí a bheith i gceist leis sin faoin saothar, cá huair agus cá háit ar léiríodh é, agus tráchtairacht ar théama an tsaothair nó tráchtairacht ghinearálta.

1.9 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Ní sheolann tú isteach foirm iarratais chomhlánaithe trí Sheirbhísí Ar Líne (ní ghlacfar le foirm iarratais a cheanglaítear mar cháipéis tacaíochta).
3. Níor chomhlánaigh tú gach cuid den fhoirm iarratais a bhaineann le do thogra
4. Níl tú incháilithe iarratas a dhéanamh faoi na critéir a leagtar amach i gcuid 1.3 agus i gcuid 1.5 thuas.

5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.6 thuas.
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.7 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.8 thuas ar fáil.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfimid an deis maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú incháilithe iarratas a dhéanamh leis an togra céanna i mbabhtáí maoinithe sa todhchaí. Ba cheart duit a chinntiú go gcomhlíonann tú na riachtanais incháilitheachta má chuireann tú isteach arís ar mhaoiniú eile.

2. An dóigh le d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

Ríomhaire	Windows 7 nó níos déanaí le Internet Explorer 8.0 nó níos déanaí NÓ Firefox 27 nó níos déanaí NÓ Chrome 33 nó níos déanaí
Mac	Mac OS X v10.5 Leopard nó níos déanaí le Safari 3.1 nó Safari 10 NÓ Firefox 27 nó níos déanaí NÓ Chrome 32 nó níos déanaí Tabhair faoi deara: Má choisceann Safari 11 uaslódáil cáipéisí, úsáid leagan níos úire de Safari, nó Firefox nó Chrome.

Tabhair faoi deara: ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo: <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9Xxgmg0Eo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuáí de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spriocdháta.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Ba cheart duit d'iarratas a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig onlineservices@artscouncil.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tús freastail ar an gceann is tuisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis 2.00pm ar an dáta deiridh roimh an spriocdháta.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánna nó taifeadtaí fuaime (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas na formáidí comhaid a nglactar leo mar chuid d'iarratas ar dhámhachtain tionscadail.

Cineál comhaid	Iarmhír comhadainm
téacschomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc YouTube a chur isteach

Féadfaidh tú naisc a chur ar fáil chuig ábhar atá á óstáil ar YouTube (www.youtube.com) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil ar YouTube) isteach i gcáipéis Microsoft Word nó OpenOffice Writer nó a comhionann agus uaslódáil í mar cháipéis tacaíochta ina bhfuil nasc gréasáin.

Tabhair faoi deara: ní mór go mbeadh aon naisc a chuireann tú ar fáil á n-óstáil ar YouTube. Ní fhéachfar ar naisc le suíomhanna óstála eile. Ní fhéachfar ar shuíomhanna óstála eile mar nach féidir ach naisc YouTube a dheimhniú mar naisc a uaslódáil roimh an spriocdháta.

Seiceáil go n-oibríonn an nasc ó laistigh den cháipéis a uaslódáil tú – i.e., go nascann sé i gceart le d'ábhar ar YouTube.

Mura mian leat go mbeadh ábhar a uaslódáilann tú chuig YouTube le haghaidh d'iarratais le feiceáil go poiblí, féadfaidh tú d'fhíseán a ainmniú mar cheann 'neamhliostaithe' sna socruithe. Ná marcáil d'ábhar mar 'príobháideach' mar nach mbeidh measúnóirí na Comhairle Ealaíon in ann breathnú air.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis – i.e. mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha maithe le tabhairt ar chomhaid i gcás iarratasóra darb ainm Jack Russell	russelljack iarratas ar Thionscadal Ailtireachta.doc
	russelljack gearrthóg léirithe.mp4
	russelljack Tionscadal ailtireachta teimpléad buiséid babhta 2.xls
	russelljack nasc youtube.doc

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 D'iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagra a bhaineann leis an iarratas seo. **Tabhair faoi deara:** tá sé tábhachtach go rachfá i dteagmháil le onlineservices@artscouncil.ie mura bhfaigheann tú an dara ríomhphost deimhnithe ina mbeidh an uimhir iarratais.

3. Próiseáil agus measúnú na n-iarratas

3.1 Forbhreathnú

Déanann an Chomhairle Ealaíon agus an Ceoláras Náisiúnta gach iarratas ar Dhámhachtain Liam O'Flynn a mheas, tugann siad breith orthu agus cuireann siad a mbreith in iúl do na hiarratasóirí de réir na nósanna imeachta atá leagtha síos thíos. Is é an aidhm atá ann a chinntiú go bhfuil córas cothrom trédhearcach ann maidir le bronnadh an dámhachtana seo.

3.2 An próiseas measúnaithe

Déanann Foireann na nEalaíon Traidisiúnta sa Chomhairle Ealaíon gach iarratas a fhaightear a phróiseáil mar seo a leanas:

- 1 I ndiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh measúnú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@artscouncil.ie

- 2 Seiceáiltear inghlacthacht an iarratais. Féach ar chuid **1.9 Incháilitheacht** thuas.
- 3 Déanann comhairleoir(i) agus/nó an fhoireann measúnú scríofa ar an iarratas.
- 4 Déanfaidh painéal, ar a mbeidh baill foirne oilte ón gCeoláras Náisiúnta agus ón gComhairle Ealaíon mar aon le saineolaithe ealaíonta seachtracha, athbhreithniú ar na hiarratais uile agus ar na hábhair lena mbaineann de réir mar a leagtar amach sna critéir a foilsíodh. Cuirfidh siad scór leis na hiarratais agus déanfaidh siad cinneadh ansin.
- 5 Cuirtear na cinntí in iúl do na hiarratasóirí i scríbhinn.
- 6 Déanann an Chomhairle Ealaíon agus bord an Cheolárais Náisiúnta nóta de na cinntí.

Achar ama

Déanfar iniúchadh ar incháilitheacht an iarratais agus déanfar é a mheas in Eanáir agus i bhFeabhra 2022, agus postálfar na torthaí i Márta 2022.

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar measúnú ar gach iarratas i gcoinne na gcritéir seo a leanas: **a)** fiúntas ealaíne, **b)** an chaoi a gcomhlíonann siad cuspóirí agus tosaíochtaí na scéime nó na dámhachtana, agus **c)** indéantacht. Cuirtear síos ar gach ceann de na critéir sin thíos.

Cé go bhféadfaidh iarratasóirí foirmeacha ealaíne/cleachtais ealaíon eile a roghnú mar chinn a bhaineann lena n-iarratas, déanfaidh foireann na nEalaíon Traidisiúnta measúnú ar an iarratas agus d'fhéadfadh siadsan, i gcásanna áirithe, measúnú a iarraidh ó fhoireann ó fhoirm ealaíne nó ó chleachtas ealaíon eile.

Fiúntas ealaíne

I gcás an mheasúnaithe ar an bhfiúntas ealaíne, díritear ar chleachtas an ealaíontóra roimhe sin agus ar nádúr na gníomhaíochta atá beartaithe. Áirítear anseo:

- Cleachtas an ealaíontóra arna léiriú leis an ábhar tacaíochta a cuireadh isteach
- Cuntas teiste an ealaíontóra arna léiriú leis an CV agus leis an ábhar tacaíochta eile a cuireadh isteach
- Cumas an ealaíontóra arna léiriú leis an bhfoirm iarratais agus leis na hábhair thacaíochta eile a cuireadh isteach
- An ghníomhaíocht ealaíon atá beartaithe de réir mar atá léirithe san fhoirm iarratais
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uaimhian, an úrnuacht agus an iniúlacht atá léirithe ag an ealaíontóir.

Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – féach ar chuid 1.1 agus ar chuid 1.2 le haghaidh sonraí ina leith.

Mar shampla, d'fhéadfaí go n-áireofaí le measúnú den sórt sin breathnú ar an tairbhe a bhainfeadh cleachtas an ealaíontóra as an ngníomhaíocht atá beartaithe agus ar an bhforbairt a dhéanfaí ar an gcleachtas sin, nó ar an méid a bpléitear leis na tosaíochtaí ar leith a aithníodh.

Cé go bhféadfadh iarratasóirí foirmeacha ealaíne/cleachtais ealaíon eile a roghnú mar chinn a bhaineann lena n-iarratas, tabharfaidh foireann na nEalaíon Traidisiúnta faoi mheasúnú ar an iarratas agus d'fhéadfadh siadsan, i gcásanna áirithe, measúnú a iarraidh ó fhoireann ó fhoirm ealaíne nó ó chleachtas ealaíon eile.

Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear air sin breathnú ar na nithe seo a leanas:

- An clár ama nó an sceideal atá beartaithe
- Infhaighteacht na dtacaíochtaí nó na bpáirtithe eile a aithnítear san iarratas (má bhaineann sé le do thogra).

3.4 Painéal

Is é cuspóir chruinniú an phainéil ná éagsúlacht tuairimí saineolacha a cheadú chun eolas a chur ar fáil don phróiseas cinnteoireachta. Beidh baill foirne oilte ón gCeoláras Náisiúnta agus ón gComhairle Ealaíon ar an bpainéal measúnaithe mar aon le beirt mholtóirí seachtracha le taithí chuí ar an bhfoirm ealaíne/ar an gcleachtas ealaíon.

Beidh ball de chuid na Comhairle Ealaíon i gceannas ar chruinniú Dhámhachtain Liam O'Flynn agus é ag gníomhú mar chathaoirleach gan ceart vótála. Freastalóidh foireann na Comhairle Ealaíon de réir mar is gá agus cinnteoidh siad go bhfuil fáil ag an bpainéal ar na hiarratais agus ábhair go léir le linn an chruinnithe. Beidh fáil ag baill an phainéil ar gach iarratas agus ar an ábhar gaolmhar go léir lá roimh an gcruinniú, tráth a ndéanann siad na hiarratais a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir.

Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- A – Caithfear a Mhaoiniú (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- B – Ba Chóir a Mhaoiniú (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- C – D'fhéadfaí a Mhaoiniú (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- D – Ní Tosaíocht É (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

Dearbhú leasa

D'fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' nó ina 'leas neamhairgid' (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfhoirmiúil, etc.)

Ní mór an leas a dhearbhu a luaithe agus is eol don chomhalta painéil é. D'fhéadfadh sé sin tarlú nuair a iarrtar air/uirthi suí ar an bpainéal (más eol an 'leas' ag an bpointe sin) nó tar éis liosta na n-iarrthóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cas sin aníos, vótálfaidh an Cathaoirleach in ionad an chomhalta painéil.

I roinnt cásanna b'fhéidir nach dtuigfeadh comhalta painéil go bhfuil coinbhleacht leasa ann go dtí go bhfaigheann sé/sí na páipéir phainéil chun iad a athbhreithniú. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dó/di é sin a dhearbhu a luaithe agus is eol dó/di go bhfuil a leithéid ann agus an fógra sin a thabhairt i scríbhinn roimh an gcrúinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfeadh litir thairisceana chugat ina sonrú cad a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Is comhthionscnamh ón gComhairle Ealaíon agus ón gCeoláras Náisiúnta í Dámhachtain Liam O'Flynn agus táthar ag súil le líon mór iarratas. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanas ann go mbronnfar

dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh na nósanna imeachta foilsithe d'fheidhmiúchán Dhámhachtain Liam O'Flynn, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh leis na nósanna imeachta, bain leas as próiseas achomharc na Comhairle Ealaíon ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.